

ԼՈՌԻԱ ԹԱԳԱՎՈՐՈՒԹՅԱՆ ԿԱԶՄԱՎՈՐՄԱՆ ՊԱՏՄՈՒԹՅՈՒՆՆԵՐ

Ռ. Ի. ՄԱԹԵՎՈՍՅԱՆ

Արևելյան Գուգարքում Կյուրիկյանների համարյա մեկուկես դար տևած տիրապետության ժամանակաշրջանի պատմության հարցերը հայագիտության մեջ լայնորեն լուսաբանվել են: Այնուհանդերձ դեռևս կան ճշման կարոտ առանձին խնդիրներ. դրանցից են, օրինակ, Լոռվա կամ Տաշիր-Ձորագետի թագավորության առաջացման նախադրյալների, ժամանակի, Բագրատունիների կենտրոնական իշխանության հետ տեղական կառավարողների ունեցած փոխհարաբերությունների հարցերը: Սույն հոդվածը մի փորձ է քննարկելու նշված խնդիրները:

Կյուրիկյանների Լոռվա թագավորության հիմնադրման տարեթվի շուրջ արտահայտված պատմաբաններին կարելի է բաժանել երկու խմբի՝ գիտնականներ, որոնք Տաշիր-Ձորագետին անդրադարձել են հայ ժողովրդի ընդհանուր պատմության շրջանակներում և չեն ընդգրկել մեզ հետաքրքրող հարցին վերաբերող բոլոր սկզբնաղբյուրները: Դրանցից առաջին հերթին պետք է նշել Մ. Չամչյանին¹, Երկրորդ. Կյուրիկյանների պատմության հատուկ զբաղվողներ, որոնք առանձին քննություն են կատարել խնդրո առարկա տարեթիվը ճշտելու համար: Դրանք են Ղ. Մովսիսյանը և տողերիս հեղինակը: Վերջիններս հանգել են բոլորովին տարբեր եզրակացությունների, առաջինը նշել է 980², իսկ երկրորդը՝ 972 թ.³: Այսպիսով, առաջարկված տարեթիվերը տատանվում են մեկ տասնամյակի սահմաններում: Մեզ թվում է, որ միայն վերջին երկուսի շուրջ կատարած լրացուցիչ քննությունը կարող է նպաստել ղեկավարող տարեթվի ճշմանը, քանի որ Մ. Չամչյանի առաջարկած տարեթիվը՝ 982, բավարար չափով չի հիմնավորված:

Հարցի լուծման համար որոշիչ նշանակություն ունեն Սանահնի վանքի «Քյոթուկ» կոչված գրառումների մատյանի X գ. դրված երկու վավերագրերը՝ վանքի քարտուղար Սիմեոնի հիշատակարանը և Սմբատ II Տիեզերակալ թագավորի (977—990) հրովարտականներից մեկի պատճեն: Նրանց միջոցով միայն, իհարկե համադրելով այլ կուլանների հետ ու լրացնելով, կարելի է հաջողությամբ լուծել ինչպես տարեթվի, այնպես էլ Լոռվա թագավորության պատմության հետ առնչվող այլ խնդիրներ: Սակայն «Քյոթուկի» տվյալների քննությունից հետո վերոհիշյալ երկու ուսումնասիրողները (Ղ. Մովսիսյան, Ռ. Մաթևոսյան) առաջարկել են տարբեր տարեթիվեր: Այդ տարակարծու-

¹ Միքայել Չամչյանի «Հայոց պատմության» երկրորդ հատորում (Վենետիկ, 1785, էջ 851) նշված է 982, որը հետագայում ընդունել են նաև Մ. Բրոսեն, Լեոն, Հ. Մանսդյանը:

² Ղ. Մովսիսյան, Լոռիի Կյուրիկյան թագավորների պատմությունը, Վիեննա, 1923, էջ 28:

³ Ռ. Մաթևոսյան, Դիտողություններ Կյուրիկյանների պատմության վերաբերյալ («Պատմա-բանասիրական հանդես», 1968, № 3, էջ 199—202):

թյունը լուծելու համար անհրաժեշտ է նորից անդրադառնալ սկզբնաղբյուր-վավերագրերին:

Ղ. Մովսիսյանի գլխավոր կովանն է Սմբատ Տիեզերակալի 979 թ. հրովարտակը՝ դրված եղբորը՝ Տաշիր-Ձորագետի կառավարիչ Գուրգենին Սանահնում տեսակցելու ժամանակ:

Հրովարտակում ասված է. «...Ես, Սմբատ Բագրատունի թագաւոր Հայոց ... Լկի ի տեսութիւն սբ. ուխտիս Սանահնիս, զոր շինեալ էր թագաւորն Աշոտ և խոսրովանույշ թագուհին՝ հայրն և մայրն իմ, ...վասն որոյ և սիրեցի, և սիրոյ նշան արարեալ հաստատեցի զսա աթոռ եպիսկոպոսութեան և սահմանեցի զվիճակ սբ. Ա[ստուա]ծածնիս և սբ. հայրս վանանց զԵսայի ետու առնել եպիսկոպոս մեծի հայրապետին Հայոց Խաչկալ. և անդառնալի հրամանաւ մերով և գրով ետու վիճակ և երկիրս զայս Սանահնիս. զամենայն երկիրն Տաշրաց...: Ես՝ Սմբատ թագաւոր, իմ թագաւորական իշխանութեամբն և կաթողիկոսաց հրամանաւք զաթոռս զայս և վիճակս հաստատեցի ի Սանահնիս սբ. Աստուածածնիս, որ էր գերեզմանատուն նախնեաց մերոց... գրեցաւ ի թուականին հայոց չորս հարիւր քսան և ութ» (979 թ.)⁴:

Հրովարտակի բովանդակությունից Ղ. Մովսիսյանը եզրակացնում է, որ 979 թ. Սմբատ թագավորը հիմնել է Սանահնի եպիսկոպոսական վիճակը, որոշել նրա սահմանները և եղբորը՝ Գուրգենին, նշանակել Տաշիրի թագավոր, որի կապակցությամբ տեղի է ունեցել Տաշիրի անկախության հանդիսավոր արարողությունը Սանահնում⁵: Հաշվի առնելով Մխիթար Այրիվանեցու վկայությունը, որը Գուրգենի թագավորությունը գնում է 981 թ. տակ⁶, նա թագավորության ստեղծման տարեթիվը ընդունում է երկու թվերի միջինը՝ 980 թ.:

Մեր կարծիքով սխալ է Սմբատի հրովարտակից եզրակացնել, որ 979 թ. Սանահնում հիմնվել է եպիսկոպոսական վիճակ: Որ Տաշիր-Ձորագետում մինչ այդ արդեն գոյություն ունեւր եկեղեցական թեմ, պարզ երևում է Սանահնի վանական Սիմեոնի հիշատակարանից, գրված նույն վանքում՝ 972 թ.: Հիշատակարանում կարդում ենք. «Ես անարժանս ի կրանաւորաց փցուն գրիչս Սիմէան՝. ի թուականութեան հայոց ՆիԱ (972). ի նորաշէն վանքս կոչեցեալ Սանահն, հրամանաւ հար իմոյ Յովհաննիսի, որ էր վանիցս շինութիւն ամբ Զ, զոր շինեաց բարեպաշտ թագուհին խոսրովանույշ, ամուսինն Աշոտոյ Հայոց շահնշահի... և առաջին ամի հայրապետութեան հոգեւոր հաւրն հանուրց տեառն Խաչկալ արժանաւոր վերագիտողի, և յեպիսկոպոսութեան մերումս նահանգի գաւառիս Տաշիր Գրիգորի արժանաւոր հաւտապետի, որ և նորա յառաջնորդութեան են ամբ Բ ի թագաւորութիւն Աշոտոյ եւ նորին որդւոյ Սմբատայ, քաջք և յաղթողք թագաւորք Հայոց: Արդ որք ընթերնոյք... յիշեսջիք ի մաքրամատոյց յաղաւթս ձեր զԱշոտ շահնշահն և զշինաւղ սուրբ ուխտիս զբարեպաշտ և զա[ստուա]ծասէր թագուհին. և զիրեանց որդեակսն զարի և քաջ շինաւղն Հայոց թագաւորն Սմբատ, և զեղբարս նորին զԳագիկն և զԳուրգէն. ևս առաւել յիշելոյ արժանի համարեսջիք զհանգուցեալ սուրբ հայրն մեր առ Քրիստոս Պաղիկարպոս, որ սկիզբն արար վանիցս շինութեան և փո-

⁴ Մատենադարանի ձեռագիր № 3031 (այսուհետև՝ «Քյոթուկ»), էջ 46—50:

⁵ Ղ. Մովսիսյան, նշվ. աշխ., էջ 26:

⁶ «Մխիթարայ Այրիվանեցոյ Պատմութիւն հայոց», Մոսկվա, 1880, էջ 56:

խնցաւ ի դասս անմարմնոցն. որոյ հանգստեան են ամբ Բ. ևս առաւել յիշես-
չիք զնորին իոխանորդ զուխտի առաջնորդս զհայրն Գրիգոր մաքուր յոյժ...»⁷

Այս հիշատակարանում ներկայացված են գրչին ժամանակակից եկեղեցականները, որոնք գլխավորում էին հոգևոր իշխանությունը Սանահնի վանքում և ամբողջ Տաշիրում: 972 թ. երկրամասի եպիսկոպոսն էր հայր Գրիգորը, որը առաջնորդությունը ստանձնել էր 970 թ., հաջորդելով հայր Պոլիկարպոսին: Չնայած հիշատակարանում վիճակ բառը բացակայում է, բայց պարզ է, որ Գրիգորն ու Պոլիկարպոսը եղել են Տաշիրի թեմի եպիսկոպոս առաջնորդներ, որովհետև վարել որևէ մարդի եպիսկոպոսությունը, նշանակում է գլխավորել տեղական եկեղեցական կազմակերպությունը, որը նույն վիճակն է: Սիմեոնի խոսքերով, Պոլիկարպոսը սկիզբ է դրել (Խոսրովանուշ թագուհու օժանդակությամբ) վանքի շինությանը: Խոսքը տվյալ դեպքում Ամենափրկիչ եկեղեցու մասին է, որի կառուցման տարիներից (966—972) հաշվում են վանքի հիմնադրումը: Առաջին վանահայրը եղել է Հովհաննեսը, որը պաշտոնավարել է Գրիգոր եպիսկոպոսի (ամենայն հավանականությամբ նաև Պոլիկարպոսի) օրոք և հիշված է Սիմեոնի հիշատակարանում («հրամանաւ հար իմոյ Յովհաննիսի»): Նրա կարգադրությամբ Սիմեոնը արտագրել է Բարսեղ Կեսարացու «Յաղագս ճգնողականաց» դիրքը:

Եթե այդպես է, ապա ի՞նչ էր կատարվել Սմբատի այցելության ժամանակ: Յուրաքանչյուր վիճակ ունենում է իր մայր եկեղեցին: Այդպիսին, բնականաբար, լինում է վանքի գլխավոր շինությունը: Սանահնում սկզբնապես դա Ամենափրկիչ եկեղեցին էր: Սմբատի հրովարտական ասված է. «...հաստատեցի զսա աթոռ եպիսկոպոսութեան և սահմանեցի զվիճակ սբ. Աստուածածնիս...»: Մեր կարծիքով, այդ տողերից բխում է, որ թագավորը Տաշիր վիճակի մայր եկեղեցին դարձրել է վանքի Աստվածածնի եկեղեցին, շնորհելով նրան եպիսկոպոսական աթոռ: Քանի որ Աստվածածնի աթոռին ենթակա էր ամբողջ Տաշիրը («զամենայն երկիրն Տաշրաց»՝ այդպես էին անվանում լոռվա թագավորությունը Բագրատունյաց շրջանի մատենագիրներն ու պատմագիրները), ապա Սանահնում միաժամանակ երկու եպիսկոպոսական աթոռ՝ Ամենափրկչի և Աստվածածնի չէին կարող լինել: Պետք է ենթադրել, որ առաջինը վերացվեց, իսկ ավելի հավանական է, որ Աստվածածինը փոխարինեց Ամենափրկչին:

«Քյոթուկի» այս երկու վավերագրերի բովանդակությունից կարելի է նորակացնել, որ Տաշիրում եկեղեցական վիճակը կազմակերպվել էր 979 թ. շատ ավելի շուտ՝ 960-ական թվականների երկրորդ կեսին, Ամենափրկիչ եկեղեցու շինարարությանը զուգընթաց, որի առաջին առաջնորդն էր Պոլիկարպոսը: Վիճակը ընդգրկում էր այն տարածքը, ուր առաջ էր եկել լոռվա թագավորությունը: Ուրեմն, Սմբատի այցելության նպատակը վիճակի հիմնումը չի եղել: Ստորև կաշխատենք պարզել նրա իսկական դրդապատճառները:

Մինչև 979 թ. Տաշիր-Ձորագետում թագավորության բացակայությունը կարծեք հաստատվում է նաև նրանով, որ Սիմեոնի հիշատակարանում չկա որևէ ակնարկ Տաշիրի թագավորության մասին և Գուրգենը համապատասխան տիտղոսով չի հորջորջվում⁸: Մինչև այժմ այդ փաստը մենք բացատրել ենք

⁷ «Քյոթուկ», էջ 37—40.

⁸ Հմմտ. Ղ. Մովսիսյան, նշվ. աշխ., էջ 24.

ներանով, որ Գուրգենը կարող էր թագ ստանալ հիշատակարանը գրվելուց հետո, բայց նույն թվականին՝ Այծմ լրացնելով մեր հիմնավորումը, ցանկանում ենք ընդդեմ, որ Սմբատ Տիեզերակալի հրովարտական նույնպես ոչ մի խոսք չկա Սանահնում եղբորը թագ շնորհելու մասին, անհասկանալի լռություն, եթե Գուրգենի թագադրությունը իրոք տեղի ունենար Սմբատի այցելության ժամանակ, Հրովարտակը ընդօրինակող գրիչը Գուրգենին անվանում է պարզապես «Տաշիրի իշխան»։ «... Ի սոյն ժամանակս պատահէ և բարեպաշտ թագաւորես Սմբատայ երթալ ի տեսութիւն եղբարն իւրում հարազատին Գուրգէնայ, որ էր յայնժամ իշխան բնաւ երկրին Տաշրայ»¹⁰։ Բաղրատունյաց շրջանում Հայաստանում «իշխան» էին կոչվում խոշոր հողատեր սեփականատերերը, որոնք իրենց տիրույթներում ունեին նաև քաղաքական իշխանություն¹¹։ Բացի այդ, «իշխան» բառը նշանակում է նաև պետական պաշտոնյա, տեղական գործակալ։ Բաղրատունիների կողմից պետականության վերականգնումից անմիջապես հետո երկրում ստեղծվեց կենտրոնական և տեղական վարչական ապարատ, գավառներում նշանակվեցին կառավարիչներ։ Դրանք արքունիքից հաստատված պաշտոնյաներ էին՝ իշխաններ (կոչվում էին նաև կուսակալներ կամ վերակացուներ), որոնք տեղերում իրականացնում էին վարչական ֆունկցիաներ։

Տաշիր-Ձորագետում (Արևելյան Գուգարքում), որը Բագրատունիների տոհմական դոմենի (ոստանի) մասն էր կազմում, նույնպես նշանակվեցին կառավարիչներ¹²։ Սմբատ I-ի և Աշոտ II-ի օրոք երկրամասի կառավարումը վստահված էր Գնթունիներից։ Գնթունյաց ֆեոդալական տան անդամները Բագրատունիներին ենթակա վասալներ էին և X դ. որոշ պաշտոններ էին վարում արքունիքում և գավառներում։

Գնթունի Հասանին Հովհաննես Դրասխանակերտցին անվանում է «հրամանատար տուն արքայի», «իշխան և հրամանատար տերութեան արքայի», իսկ նույն սոհմից Աշոտ և Վասակ եղբայրներին Սմբատ I-ը նշանակել էր Տաշիր-Ձորագետի «բերդապահ և վերակացու»¹³։ Նրանց նստավայրը Շամշուդե բերդավանն էր։ Աշոտ II-ի ժամանակ նրանք ըմբոստացել էին կենտրոնական իշխանության դեմ։ Չնայած ըմբոստությունը ճնշվել էր¹⁴, տեղական վերակացուների կենտրոնախույս նկրտումները իշխող դինաստիային ստիպեցին Տաշիրի կառավարումը հանձնել իր տոհմակիցներին և այդ եղանակով երկրի հյուսիսային շրջանները ամուր կապել կենտրոնի հետ։ «Տաշիր երկրի» մարզերը Բագրատունյաց թագավորության ներսում առանձնացվեցին որպես հատուկ վարչա-քաղաքական կազմավորում, որի Բագրատունի առաջին կառավարիչն էր Աշոտ Ողորմածի (953—977) կրտսեր որդի Գուրգենը։

¹⁰ «Պատմա-բանասիրական հանդես», 1968, № 3, էջ 200։

¹¹ «Քրոնիկ», էջ 43։

¹² Հ. Հ. Ութմազյան, Սյունիքը IX—X դդ., Երևան, 1958, էջ 148, 153—155, վ. Բ. Բարխուդարյան, Ֆեոդալական հողատիրությունը Հայաստանում IX—XI դդ. (թեկնածուական դիսերտացիա), էջ 107, 145, 164։

¹³ Հովհաննես Դրասխանակերտցին գրում է, որ Աշոտ I-ը Դուգարքում և Ուտիքում նշանակել էր շոռաշնորհներ (հոգևոր) և իշխաններ (աշխատանքային կաթողիկոսի Դրասխանակերտցույ Պատմութիւն հայոց», Թիֆլիս, 1912, էջ 140)։

¹⁴ Նույն տեղում, էջ 179, 205, 295։

¹⁵ Նույն տեղում, էջ 295—297, 316—318։

Ծրբ տեղի ունեցավ այդ առանձնացումը և ինչպիսի՞ն էր նոր կառավարիչների դիրքը ֆեոդալական հիերարխիայում: Այդ հարցի պատասխանը կօգնի լուծելու նաև մեզ զբաղեցնող խնդիրը:

«Տաշիր երկիրը» Գուրգենին հանձնելուց հետո տեղական իշխանության իրավա-քաղաքական ստատուսը էապես փոխվեց: XII դ. կազմված մի ժամանակագրություն, որը կրում է «Թագաւորք վերջինք Բագրատունիք» խորագիրը, կարևոր մանրամասն է հաղորդում այդ մասին: «Իսկ սոքա (Աշոտ III-ի որդիները՝ Սմբատը, Գագիկը և Գուրգենը—Ռ. Մ.) համակամ սիրով երիս բաժանեն զթագաւորութիւնն՝ հայրազուրիս առնելով զՍմբատ, և Գուրգէն տիրէ Գողթացոց կողմանս, սկսեալ ի Գագայ, Խառայ մինչև ի դուռն Տփիսաց»¹⁵, Այս տեղեկությունը վկայում է, որ արքայազն եղբայրները (սարքունի տան գահերեցները)¹⁶ փոխադարձ համաձայնությամբ բաժանել են երկիրը, ավագին ճանաչելով թագավոր: Այստեղ «բաժանել» բառը չպետք է հասկանալ այն իմաստով, որ Հայոց թագավորությունը Աշոտ III-ից հետո մասնատվեց: Բագրատունյաց շրջանում գոյություն ունեւր գահակցության ինստիտուտ, որի վրա մեղ մոտ սովորաբար ուշադրություն չի դարձվում: Աշոտ Ողորմածի ժամանակ նրա ավագ որդին (Սմբատը) իր գահակիցն էր¹⁷: Գահակցության ինստիտուտը հետապնդում էր (ինչպես ամենուր) մեկ նպատակ՝ պաշտպանել թագաժառանգի իրավունքները և կանխել գահակալական պայքարը: Ինչպես երևում է վերոհիշյալ ժամանակագրությունից, Սմբատի եղբայրները չեն վիճարկել նրա իրավունքները և մնացել են «սարքունի տան գահերեցներ», ստանալով իրենց բաժինները: Այդ ամենը կատարվել է «համակամութեամբ»: Ուշադրության արժանի է Գուրգենի բաժնեմասի անվանումը: Ժամանակագրությունում ասված է, որ նա իր փոխարեն «կացուցանէ յէրէց որդի իւր զԴաւիթ, որ և նա բարեպաշտութեամբ վայելէ ի հայրենի իշխանութեանն. և ապա Կիրակէ, որդի իւր, զկնի նորա թագաւոր...»¹⁸, Այստեղ առաջին Կյուրիկյանների տիրույթը անվանված է «հայրենի իշխանութիւն»: Հայտնի է, որ Բագրատունյաց տիրապետության շրջանում հայ խոշոր ֆեոդալների («իշխանների» կամ «տերերի») հողային տիրույթները կոչվել են «հայրենի ժառանգութիւն», «հայրենի տէրութիւն»: Այդ հողերին ֆեոդալները տիրել են մասնավոր ժառանգական-սեփականատիրական իրավունքով, եղել են նրանց անմիջական և լիիրավ տերերը¹⁹: Սակայն Գուրգենի տիրույթը կոչվել է «հայրենի իշխանութիւն»: Դա արդեն այլ կատեգորիայի հողատիրություն է: Աղբյուրներից երևում է, որ IX—XI դդ. այդպես էին կոչվում այն հողերը, որոնց տերերի իրավունքները պայմանական էին, այլ ոչ թե սեփա-

15 «Մանր ժամանակագրութիւններ», հ. 2, կազմեց Վ. Հակոբյանը, Երևան, 1956, էջ 501, հմմտ. «Հաւաքումն պատմութեան Վարդանայ վարդապետի», Վենետիկ, 1862, էջ 90:

16 Այդպես էին անվանվում թագավորի որդիները (Հովհաննես Գրասխանական երտցի, էջ 143):

17 Հմմտ. Սիմեոնի հիշատակարանը: Միայն Ղ. Մովսիսյանն է ուշադրություն դարձրել այդ հանգամանքի վրա (նշվ. աշխ., էջ 24):

18 «Մանր ժամանակագրութիւններ», հ. 2, էջ 502:

19 Վ. Բ. Բարխուդարյան, նշվ. աշխ., էջ 62, 92, 145, 165, 2. Ութմազյան, նշվ. աշխ., էջ 144—147, 167: Ս. Պողոսյան, Գյուղացիների ճորտացումը և գյուղացիական շարժումները Հայաստանում IX—XIII դդ., Երևան, 1955, էջ 77—87: Սեփականատիրական ժառանգական հողերը կոչվել են նաև «սեփական տէրութիւն», «հայրենի սեփականութիւն», «բնիկ տէրութիւն» և այլն:

կանատիրական²⁰։ Որպես Կյուրիկյան՝ տեղական ֆեոդալական տան առաջին անդամ, Գուրգենը կարող էր Տաշիր-Ձորագետը ստանալ միայն արքունիքից՝ ծառայության դիմաց։ Նման հոգեբերում՝ «հայրենի իշխանություններում» ֆեոդալները ունեին իշխելու, կառավարելու իրավունք։ Մյուս կողմից՝ «հայրենի» րադը վկայում է, որ այդ «իշխանությունը» եղել է Կյուրիկյանների հայրենիքը, բայց պայմանական բնույթի՝ ֆեոդ, տիրույթ պայմանական-ժառանգական իրավունքով²¹։ Այլ կերպ Գուրգենը՝ Բագրատունյաց Լուսավարչական հիմնադիրը, Տաշիր-Ձորագետի հայրենատերը չէր և երկիրը ստացել էր «վերակերպ» (արքունիքից) իր ազգապետ և հայրազույց Հայոց շահնշահից²²։ Դրանով նա տարբերվում էր Սյունիքի ու Վասպուրականի գահակալներից։ Բայց Կյուրիկյանները փոխանցում էին իրենց իշխանությունը ժառանգաբար՝ հորից որդի։ Դրանով իսկ նրանք տարբերվում էին Գնթունիներից, որոնք նման արտոնություն չունեին։ Ուրեմն, Տաշիր երկիրը հանձնելով իր տոհմակիցներին, արքունիքը այդ երկրամասը դոմենի սովորական վարչական մարզից վերածեց ֆեոդի՝ պայմանական-ժառանգական տիրույթի։ Նման հոգեբեր տերերը պետք է իրենց իրավունքների հաստատումը ստանային սյուզերենից։ Կյուրիկյանների սյուզերեններն էին Հայոց շահնշահները, և Տաշիր-Ձորագետի Բագրատունի տիրակալը ենթարկվում էր շահնշահներին, ինչպես կրտսերը՝ ավագին, վասալը՝ սյուզերենին։ Նրա հողատիրական իրավունքը և դրա հետ անխզելիորեն կապված վարչա-քաղաքական իշխանությունը այդ երկրում պայմանական բնույթ ունեն, քանի որ Լուսավարչական յուրաքանչյուր նոր կառավարիչ իր իրավունքների հաստատումը պետք է ձեռք բերեր արքունիքից։

²⁰ Այսպիսին էր, օրինակ, Գեղարքունիքի գահակալ իշխան Վասակի տիրույթը։ Ատրպատականի ամիրա Յուսուֆի 909 թ. արշավանքի ժամանակ Վասակը եղբոր հետ ապաստանել էր Միսիսի գավառում (հավանաբար Արցախում)։ Վերադառնալուց հետո նա ներկայացել էր նորապսակ թագավոր Աշոտ II-ին, որը նրան «վիճակեցույց իւրոյ տերութեանն» (Պատմություն նախնադին Սիսական արարեալ Ստեփաննոսի Օրբելյան արքայիսկոպոսի Սինեհաց, Թիֆլիս, 1916, էջ 193)։ Հովհ. Դրասխանակերտցին իր հերթին Վասակին և նրա եղբայր Սահակին անվանում է «Եկուսակալք քաւառացն որ շուրջ ղեղեր ծովակին Գեղամայ, յայսմ ի սոյն աւուրս եկեալք ի հեռաստանէ հայաթանացն» տիրելի պայազատեալք յաշխարհս տէրութեան իւրեանց» (Պատմություն հայոց, էջ 298)։ Ուրեմն Վասակը այդ ժամանակ իր հողաբաժնում ոչ թե ստեր, այլ «Եկուսակալ» էր, հաստատված Հայոց արքայի կողմից։ Նշանակում է, որ Աշոտ II-ը այդ հողաբաժնի տիրացել էր մեղ անհատ պարագաներում։ Դա կարող էր տեղի ունենալ թեկուզ Վասակի փախուստի տարիներին։ Ամենայն հավանականությամբ Աշոտին հաջողվել էր ազատել Գեղարքունիքը արաբներից և միացնել արքայական ոստանին։ Թագավորից ստացած վասակը նախկին ժառանգական տիրույթը պատմիչները անվանում են «հայրենի իշխանություն» (Ստ. Օրբելյան, էջ 190, Հովհ. Դրասխանակերտցի, էջ 230)։

²¹ Վաղ միջնադարում «հայրենիք» էին կոչվում միայն ժառանգական հողերը։ IX—XI դդ. և հետո այդ տերմինի իմաստը շատ ընդարձակվել է, այդպես էին կոչվում նաև գնման, նվիրատվության միջոցով ձեռք բերված հողերը։ Մեր մատենանշած դեպքում «հայրենիք» կոչվում է ֆեոդը։

²² Բագրատունի Հայոց թագավորը հայ ֆեոդալների հանդեպ «հայր» (կամ «հայրազույց») և շահնշահ էր, իսկ իր տոհմակիցների համար միաժամանակ և ազգապետ. հմտ. С. Еремян, Присоединение северо-западных областей Армении к Византии в XI веке, (Վարդեր, 1971, № 3, էջ 8)։ 2. Մանանդյանի կարծիքով՝ Բագրատունիների թագավորական տիրույթը (սուսքը Հայոց թագավոր-շահնշահի մասին է) լոկ տիրոջ էր, առանց իրական բովանդակության (սեփական տեսություն հայ ժողովրդի պատմության, հ. Բ, մաս Բ, Նրեվա, 1960, էջ 302, նույնի՝ О торговле и городах Армении в связи с мировой торговлей древних времен, Ереван, 1954, стр. 202—203. Սա շատ սխալ և չհիմնավորված տեսակետ է, որին կանգնողականք այլ աղբյուրներում)։

Միաժամանակ նոր դահ բարձրացած Հայոց թագավորը, ինչպես օրինաչափ նորմա էր ֆեոդալական հասարակարգում, պետք է ճանաչեր իր վասալների իրավունքները հատուկ հրովարտական՝ ճանաչման այդպիսի վավերագիր «ամենայն Տաշրաց երկրի» վրա Սմբատ տիեզերակալից պետք է ստանար նաև Գուրգենը։ Վերջինս Սանահնի Ամենափրկիչ եկեղեցու բարձրաքանդակում պատկերված է արքայական իշխանության նշաններով՝ զգեստով ու թագով²³։ Այդ նշանակում է, որ կառավարիչը թագադրվել է, տեղի է ունեցել նրա իշխանության պաշտոնական ճանաչումը արքունիքի կողմից։ Պայմանական-ժառանգական իրավունքներով օժտված Տաշիրի տիրակալի թագավորական տիտղոսը չպետք է զարմացնի կամ թյուրիմացության մեջ գցի։ «Թագավոր» տվյալ դեպքում նշանակում է ոչ թե «միապետ», պետության ղեկավար, այլ դասային տիտղոս է։ Նման թագավորները Բագրատունյաց Հայաստանի իշխող վերնախավում առանձին շերտ էին կազմում և Հայոց թագավորից (շահնշահից) հետո ֆեոդալական սանդուղքում գրավում էին երկրորդ աստիճանը։ Այդպիսիք էին Վասպուրականի, Սյունիքի, Կարսի և Լոռվա թագավորները, որոնք այդ սանդուղքում տեղ էին զբաղեցնում շահնշահից հետո և զահերեց իշխաններից առաջ²⁴։ Նրանց մեջ կար իհարկե, ներքին աստիճանավորում։

Առաջին երկուսը տոհմական տիրույթների հայրենապետ-սեփականատերեր էին և իշխանությունները հռչակելով թագավորություն, միայն ավելի ակնառու էին դարձնում մասնավոր սեփականատիրական իրենց փաստական իրավունքը։ Թագավորության հռչակումով, ըստ էության, ոչինչ չէր փոխվում, քանզի Վասպուրականում կամ Սյունիքում թագավորությունների առաջացումը պայմանավորված էր տեղական ֆեոդալների ռազմական ու տնտեսական հզորությամբ²⁵։ Բոլորովին այլ էր վիճակը Տաշիր-Ձորագետում։ Այստեղ թագավորության առաջ դալը հետևանք էր արքունիքի վարչա-քաղաքական միջոցառումների, որոնց նպատակն էր ամրացնել երկրի ժայռամասերի կապը կենտրոնի հետ։ Ի տարբերություն Վասպուրականի կամ Սյունիքի, որոնք դառնալով թագավորություն ինչ-որ չափով թուլացրեցին կախումը Բագրատունյաց արքունիքից, Լոռին ավելի կապվեց նրա հետ։ Գուրգենի հաջորդ Դավիթը (996—1048) իրոճելով աղատվել վասալական կախումից, 1001 թ. ըմբոստացավ Գագիկ I-ի դեմ։ Այդ ժամանակ է, որ Դավիթը մեծարվեց «ինքնակալ արքա»²⁶։ Բայց նրա «ինքնակալական» հավակնությունները հաջողությամբ չպսակվեցին²⁷։ Նա պարտվեց, կորցրեց տիրույթների մեծ մասը, որից հետո պարտա-

23 Կ. Ղ ա ֆ ա ղ ա ղ ա ն, Սանահնի վանքը և նրա արձանագրությունները, Երևան, 1957, էջ 44։

24 Դավառական այս թագավորներին ուսումնասիրողները սովորաբար չեն առանձնացնում ֆեոդալական սանդուղքի ստորաբաժանման մեջ, ձուլելով նրանց զահերեց իշխանների հետ։ Սիայն Հ. Հարությունյանի աշխատությունում՝ Հայաստանը IX—XI դդ., Երևան, 1959, էջ 133, նրանք շատ թուցիկ նշված են Հայոց թագավորից հետո։ Այնինչ որոշակի տարբերություն կար տեղական թագավորների և զահերեց իշխանի միջև՝ երկրի քաղաքական արտաքին և ներքին կյանքում։

25 Վ. Բ ա ռ ի ո ղ ա ղ ա ղ ա ն, նշվ. աշխ., էջ 62, 92, 145, 165։

26 Ե. Ղ ա ֆ ա ղ ա ղ ա ն, Հաղրատ, Երևան, 1963, էջ 264։

27 Սովորաբար Դավիթի ըմբոստությունը պատմագիտության մեջ դիտվում է որպես Հայոց թագավորությունից անջատվելու փորձ (Հ. Հ ա ռ ի ո ղ ա ղ ա ն, նշվ. աշխ., էջ 119, 120)։

վորվեց հնազանդվել Գագիկին «Իբրև որդի առ հայր», իսկ Գագիկը՝ «հայրենի խնամով սիրել զնա»²⁸։ Այս ակտով ակնառու ու պարզորոշ դրսևորված է «թագավոր» հասկացության քաղաքական իմաստը, դասային բովանդակությունը։ Տաշիր-Ձորագետում իշխանությունը ստանձնելու ժամանակ Դավիթը լոկ «թագավոր» էր՝ ժառանգելով այդ տիտղոսը (պաշտոնը) հորից։ Հետո փորձեց դառնալ միապետ և կարճ ժամանակով անվանվեց «ինքնակալ»։ Եթե նրա ընդվզումը հաջողություն ունենար, ապա նա կդառնար իր տիրույթների հայրենատերը և կհավասարվեր Սյունիքի կամ Վասպուրականի գահակալներին։ Բայց նա պարտվեց և նորից իջավ «թագավորի» աստիճանի, որը իրեն իրավունք էր վերապահում տիրել իր հողերին (= թագավորությանը) որպես ֆեոդ, որովհետև պարտված Դավիթը երկրամասը կարող էր ետ ստանալ միայն տիրելու պայմանական իրավունքով²⁹։ Նրա թագավորական տիրույթները արտահայտում էր շահնշահի «հայրենի խնամի» տակ իշխող լինելու պարագան։ Նույնպիսի թագավոր-իշխող էր նաև նրա հայրը, իսկ «թագավորությունը»՝ տվյալ տոհմի արտոնությունը։ Տաշիր-Ձորագետում վարչա-քաղաքական իշխանությունը ժառանգաբար իրականացնելու համար Այդ իմաստով չի կարելի Գուրգենի տիրապետությունը բաժանել երկու էտապների՝ իշխանական և թագավորական, ինչպես վարվում են առանձին ուսումնասիրողներ³⁰։ Կյուրիկյաններին նմանեցնելով հայկական մյուս թագավորությունների գահակալներին, Դա մեխանիկական հավասարեցում է, քանի որ վերջիններս մինչև թագավոր դառնալը իրենց բաժինների իշխաններն էին՝ գահերեցներ և հայրենատերեր։ Նրանց թագավոր դառնալուց հետո, ինչպես ասվեց, հողային իրավունքի տեսակետից ոչինչ չէր փոխվում։ Այնինչ Տաշիր-Ձորագետում գահակալ իշխաններ չեն եղել, այդ գավառներում վերակացուներին փոխարինել են տիտղոսակիր Կյուրիկյան կառավարիչները, որոնց տիտղոսը վերևից շնորհված պատիվ էր, իշխելու արտոնության հետ կապված։ Այդ առումով նրանք կարող էին լինել միայն «թագավոր» արդեն վերը նշված իմաստով։ 1045 թ. հետո միայն, Հայոց շահնշահների անկումով, Լոռին դարձավ Կյուրիկյանների հայրենի տիրույթը։

Լոռվա թագավորության առաջացման տարեթիվը, այսպիսով, սահմանազատում է ոչ թե Գուրգենի իշխանության երկու տարեքի շրջանները, այլ

և ոչ՝ երկերի յոդովածու, հ. 2, Երևան, 1967, էջ 612—613, և՛ Երզնկյան, Հնախոսական տեղագրություն։ Հաղատա (սևարատա, 1887, № 7, էջ 308—310)։

Այդպիսի դնհատականը շատ վիճելի է։ Չպետք է մոռանալ, որ Տաշիր-Ձորագետը սահմանակից էր կամ մոտ էր քրդական և արաբական ամիրայություններին (Գանձակի, Դվինի, Ատրպատականի) և Լեթակա իշխանական հարձակումների վտանգին։ Պաշտպանության համար նա օգնության կարիք է զգացել առաջին հերթին Հայոց (Անի-Շիրակի) և հայկական մյուս վաղա թագավորություններից (հիշենք 1040 թ. Դվինի ամիրա Արուստարի հարձակման ժամանակ ստացած օգնությունը)։ Նման պայմաններում Լոռվա տիրակալի անջատումը Հայոց Բագրատունյաց թագավորությունից խիստ սպառնալիքի տակ կղերք երկիրը և Դավիթը այդպիսի քայլի չէր դիմի։ Մեր կարծիքով՝ նա միայն ձգտում էր հնարավորին շահով թուլացնել կախումը Բագրատունի ազգապետից և դառնալ իր հողերի լիիրավ տերը։

²⁸ «Ատեփանոսի Տարոնեցույ Ասողկան Պատմութիւն տիեզերական», ՍՊԲ, 1885, էջ 280։

²⁹ Կյուրիկյանների հողերի մի մասը՝ Աղստեկ լեռնահովիտը Կայան բերդով Գագիկ շահնշահը չվերադարձրեց Դավթին, այլ հանձնեց Պահլավունիներին (Վարդան, էջ 92, 99)։

³⁰ Ս. Պոդոսյան, Հայ ժողովրդի պատմություն, հ. 2, Երևան, 1965, էջ 54, և ուր նշվ. աշխ., էջ 591, Հ. Հարությունյան, նշվ. աշխ., էջ 106։

լուին նշանակովի պաշտոնյայի կողմից կառավարվող մարզից հատուկ քաղաքական կազմավորման վերածվելու (ժառանգական իշխողների տնօրինություն) ժամանակամիջոցը: Այն որոշելու համար անհրաժեշտ է ճշտել, թե երբ Բագրատունի իշխողները փոխարինեցին վերակացուններին:

Ամենափրկչի բարձրաքանդակները³¹ վկայում են, որ Կյուրիկյանները լոռիում էին արգեն 972 թ., ուրեմն այդ ժամանակ կար նրանց ղեկավարած կազմավորումը, որն ուներ նաև իր եկեղեցական կազմակերպությունը՝ Տաշիրի թեմը: Թեմի հիմնադրումը սերտորեն կապված է Տաշիր-Ձորագետում Կյուրիկյանների հաստատվելու հետ: Սանահնի ու Հաղբատի վանքերը նրանց տոհմական հոգևոր կենտրոններն էին և կոչված էին ամրացնելու կառավարիչների քաղաքական ազդեցությունը: Վերակացունների (Գնթունիների և ուրիշների) ժամանակ այստեղ կային եկեղեցական սպասավորներ, բայց ոչ թեմ: Տաշիրում վիճակի կազմավորման տարիներն ինքնին մատնանշում են լոռվա թագավորության երևան գալու ժամանակը: Վիճակի առաջին առաջնորդը՝ Եպիսկոպոս Պրիկարպոսը, նախապես եղել է Արշարունիքի Կամրջաձոր վանքի վանահայրը³²: Արշարունիքի հոգևորականների թվում նա մասնակցել է 969 թ. Անիի եկեղեցական ժողովին³³:

Այսպիսով, Պրիկարպոսը Տաշիր էր տեղափոխվել 969 թ. ոչ շուտ: Մահացել է 970 թ. Սանահնում, ուրեմն՝ 969—970 թթ. Տաշիրի թեմը արգեն գործում էր: Այս հանգամանքը թույլ է տալիս թագավորության կազմավորման տարեթիվը 972-ից առաջ տանել առնվազն երեք տարով: Բայց մենք էլ անորոշ, Ամենափրկչի շինարարության սկզբին թեմը կար թե ոչ: Ուստի ավելի ստույգ թիվ չենք կարող մատնանշել և, ըստ երևույթին, հնարավոր էլ չէ: Պետք է նկատի ունենալ, որ Տաշիր-Ձորագետում թագավորության կազմավորումը մի շարք ռազմա-քաղաքական միջոցառումների արդյունք էր, որոնք իրականացվում էին աստիճանաբար, ուստի անհնարին է ցույց տալ նրանց ավարտման որևէ կոնկրետ թվական, հնարավոր է միայն ճշտել վերափոխությունների իրագործման ժամկետները: Այդ տեսանկյունից ակնհայտ է, որ բարեփոխումները տեղի էին ունեցել Աշոտ III-ի ժամանակ՝ 966—970 թթ. ընթացքում:

Այս բոլոր դիտողություններից հետո հնարավոր է եզրահանգել, որ Սըմբատ Տիեզերակալի այցը Սանահնի կապ չունի լոռվա թագավորության առաջ գալու հետ: Ինչպես եկեղեցական վիճակը, այնպես էլ թագավորությունը լոռիում հիմնվել էին մինչև 979 թ.: Սմբատը այցելել է Սանահն ոչ թե «Տաշիրի անկախությունը» հռչակելու կապակցությամբ, այլ Գուրգենին Տաշիր-Ձորագետի կառավարիչ-թագավոր ճանաչելու և նրա իրավունքները հաստատելու (ինվեստիտուրա շնորհելու) առիթով: Նման ինվեստիտուրա, անկասկած, Գուրգենը ստացած պետք է լիներ նաև Աշոտ III-ից, բայց նրանց

31 Բարձրաքանդակը՝ Գուրգենի և Սմբատի արձանիկներն են թագավորական զգեստով, նրանց վերևում փորագրված է. «Կորիկէ թագաւոր, Սմբատ թագաւոր» արձանագրությունը (Կ. Գ. Ղ ա ֆ ա դ ա ղ յ ա ն, Սանահնի վանքը և նրա արձանագրությունները, էջ 98):

32 Ա ս ո ղ ի կ, էջ 174, 181:

33 Նույն տեղում, էջ 181—182, Մ ա ղ ա ք ի ա արք. Օ Ր մ ա ն յ ա ն, Ազգապատում, հ. Ա, Բեյրութ, 1959, էջ 1115—1117:

պատճենները «Քյոթուկում» շեն արտագրվել³⁴։ Դա բացատրվում է նրանով, որ «Քյոթուկում» շնչին բացառությամբ գրի են առնվել միայն Սանահնի վանքի հետ անմիջականորեն կապված գեպքերը։ Եթե Սմբատը չայցելեր Սանահնին, նրա հրովարտակը նույնպես մեզ անհայտ կմնար։ Այս հանգամանքը առիթ է տվել սխալ հզրակացությունների հանգեցում։

Այսպիսով, Բագրատունյաց նոր ճյուղի (Կյուրիկյանների) հաստատվելը Տաշիր-Չորագետում կապված էր երկրի քաղաքական միասնությունը ամրապնդելու կենտրոնական իշխանության ձեռնարկած քայլերի հետ։ Նշանակովի պաշտոնյաների անհուսալիությունը ստիպեց արքունիքին Աշոտ III-ի օրոք կատարել արմատական վերափոխություններ։

ИЗ ИСТОРИИ ОБРАЗОВАНИЯ ЛОРИЙСКОГО ЦАРСТВА

Р. И. МАТЕВОСЯН

Резюме

В отличие от других областей Армении Багратидской эпохи (напр., Сюника или Васпуракана), где возникновение царств явилось результатом военного и экономического усиления местных правителей, наследственных владетелей родовых земель, в Лори (Ташир-Дзорагете) царство образовалось в результате административных преобразований центральной власти. Багратидский двор передал область царского домена Ташир-Дзорагет в условное владение младшему члену правящей династии, сыну Ашота III Гургену, признав его царем. Сведения, имеющиеся в первоисточниках, уточняют дату образования Лорийского царства — приблизительно 969—970 гг.

³⁴ 986 թ. Կուրթան գյուղի գերեզմանոցի խաչքարիս գրվել է հետևյալ արձանագրությունը. «ՆԼԵ ԲՎԱԿԱՆԻՍ ՀԱՅՈՑ ԹԱԳԱՎՈՐՈՒԹԵՆ ԿՈՒՐԻԿԷՑԻ ՀԱՐԱՂԱՏ... Բ ՍԱՐԳԻՍՈՒ ԴԱՎԻԹՈՒ ԳՈՐԳԻՆՈՐՈՆԵՑԱՐ ՈՍՐ ԳՈՐԳՍ ԲԱՐԵԽՈՍ ՈԳՈՑ ՄԵՐՈՑ»։ Այն չի հրատարակված և մեզ է տրամադրել բանասիրական գիտ. թվինածու. Ս. Ավագյանը, որի համար շնորհակալություն ենք հայտնում։